

## Pemimpin berjaya perlu sedia berkorban

SH 13/3/09 PS-TII

**BANDAR PERMAISURI** – Seramai 140 pelajar Universiti Malaysia Terengganu (UMT) tamat mengikuti Kursus Kepimpinan Eksekutif Badan-badan Pelajar Tahun Satu dan Dua UMT di Peladang Agro Resort Setiu, semalam.

Timbalan Menteri Pengajian Tinggi, Datuk Ir Idris Harun ketika berucap pada majlis perasmian penutup berkata, untuk menjadi pemimpin berjaya, pelajar perlu berkorban masa, tenaga dan wang ringgit.

“Pemimpin berjaya, adalah mereka yang mampu menguruskan masa dengan baik selain mempunyai pengikut taat.

“Tanpa pengikut setia yang sanggup berkorban, seorang pemimpin itu tidak akan berjaya,” katanya sebelum merasmikan penutup Kursus Kepimpinan Eksekutif Badan-badan Pelajar UMT, semalam.

Menurutnya kemahiran



● Idris diiringi Dr Abdul Majid beramah mesra dengan peserta yang menyertai kursus kepimpinan.

mempengaruhi manusia adalah elemen penting untuk menjadi pemimpin berjaya.

Hadir sama, Timbalan Naib Canselor Bahagian Hal Ehwal Pelajar (HEP) UMT, Profesor Dr Abdul Majid Mohd Isa dan pegawai UMT serta pelajar terlibat.

Menurut Idris, pe-

mimpin hebat dunia, seperti Hitler, Napoleon Bonaparte adalah individu yang memiliki kemahiran tinggi untuk mempengaruhi manusia.

“Kemahiran itu tidak diperolehi dalam kelas. Ia hanya boleh dipelajari apabila anda dipilih menjadi pemimpin melalui Majlis Per-

wakilan Pelajar (MPP) atau persatuan sah,” katanya.

Katanya, atas kesedaran itu, Kementerian Pengajian Tinggi memilih program kemahiran kepimpinan sebagai salah satu elemen penting dalam kemahiran insaniah yang perlu diikuti penuntut institut pengajian tinggi (IPT).